

МОЛЕБЕН С АКАФИСТОМ СВЯТИТЕЛЮ СПИРИДОНУ ТРИМИФУНТСКОМУ

Иерей: Благословен Бог наш всегда, ныне и присно, и во веки веков.

Лик: Аминь. Царю Небесный:

Глас 1.

Бог Господь, и явися нам, благословен Грядый во имя Господне.

Стих 1: Исповедайтесь Господеви, яко Благ, яко в век милость Его.

**Лик: Бог Господь, и явися нам, благословен
Грядый во имя Господне.**

Глас 1

Бог Господь... и явися нам, благословен Грядый во имя Господне.

Стих 2: Обыщедше обыдоша мя, и именем Господним противляхся им.

**Лик: Бог Господь, и явися нам, благословен
Грядый во имя Господне.**

Стих 3: Не умру, но жив буду, и повем дела Господня.

**Лик: Бог Господь, и явися нам, благословен
Грядый во имя Господне.**

Стих 4: Камень, егоже небрегоша зиждущий, сей бысть во главу угла: от Господа бысть сей, и есть дивен во очесех наших.

**Лик: Бог Господь, и явися нам, благословен
Грядый во имя Господне.**

Тропарь, глас 1:

Тропарь, глас 1:

Собо́ра Пе́рваго показа́лся еси́ побо́рник и чудотворе́ц, / Богоно́се Спиридо́не, отче на́ш. / Тёмже мертву ты во гробе возгла́сив, / и змию в зла́то претвори́л еси́, / и внегда пе́ти тебе́ святыя молитвы, / А́нгелы сослу́жаша́ия тебе́ имёл еси́, свяще́ннейши́й. / Сла́ва Дáвшему тебе́ крепость, / слáва Венчавшему тя́, // слáва Дéйствующему тобою всем исцеления.

Запевы (трижды):

Иерей: Святителю отче наш Спиридоне, моли Бога о нас.

Лик: Святителю отче наш Спиридо́не, моли Бога о нас.

Иерей: Слава:

Лик: И ныне:

Mоли Бога о нас, святителю отче наш Спири - до - не,

я - ко мы у - серд - но к те - бе при - бе - га - ем,

скорому помощнику и молитвеннику о ду - шах на - ших.

Простая

Гос - по - ди по - ми - луй. Гос - по - ди по - ми - луй.

Те - бе, Гос - по - ди. А - минь.

Также ектениа: Паки и паки миром Господу помолимся.

Лик: Господи помилуй.

Заступи, спаси, помилуй, и сохрани нас, Боже, Твою благодатию.

Лик: Господи помилуй.

Пресвятую, Пречистую, Преблагословенную, славную Владычицу нашу Богородицу, и Приснодеву Марию, со всеми святыми помянувшими, сами себе и друг друга, и весь живот наш Христу Богу предадим.

Лик: Тебе, Господи.

Возглас: Ты бо еси Царь мира, и Спас душ наших, и Тебе славу возсылаем, Отцу, и Сыну, и Святому Духу, ныне и присно, и во веки веков.

Лик: Аминь.

АКАФИСТ СВЯТИТЕЛЮ СПИРИДОНУ ТРИМИФУНТСКОМУ

Кондак 1

Препрославленный от Господа святителю и чудотворче Спиридоне! / Ныне всечестную память твою празднующе, / яко много мгущему споспешествовать нам о прославльшем тя Христе, / умильно вопиём ти: избави нас от всяких бед и зол, / да с благодарением зовём ти: // Радуйся, Спиридоне, предивный чудотворче.

Икос 1

От юности украшённый всеми добродельми, житием своим Ангелом подражавый, ты, святителю Спиридоне, воистину показался еси друг Христов; мы же, зряще тя, небесного человека и земного Ангела, со благоговением умильно вопиём ти:

Радуйся, уме, созерцаяй тайны Пресвятая Троицы; / радуйся, обогатившийся Духа пресветлым осиянием.

Радуйся, светильниче многосветлый; / радуйся, ум твой безстрастием просветивый.

Радуйся, измлада истинную простоту и безмолвие возлюбивый; / радуйся, украшение целомудрия.

Радуйся, любви неистощимая струя; / радуйся, яко страннолюбию Авраама подражал еси.

Радуйся, яко всем любвеобильно входы дома своего отверзал еси; / радуйся, нищих представителю.

Радуйся, пред нимже благоговеют людие; / радуйся, яко ты еси обиталище Пресвятаго Духа.

Радуйся, Спиридоне, / предивный чудотворче.

Кондак 2

Видяще о́стров Кипр и вся христиа́нския страни́ нетлéнныя мóщи твоя, святителю, от нихже истека́ют оби́льная исцелéния, возрадовашася; и мы, почитающе тя я́ко преоби́льного источника благодати, низпосланного свыше нам, вопиéм к Верхóвному Подателю Небесных и земных благ: **Аллилуиа.**

Икос 2

Рáзум Божественный имый, аще сый пастырь безсловéсных ове́ц, ты произволéнием Пастыреначальника Христá избран был еси в пастыря ове́ц словесных. Вéрний же, разумевше тя доброго пастыря, неусыпно о стаде своём пекúщагося, воспева́ху:

Рáдуйся, архиерée Бóга Вы́шняго, в хиротонии восприявый оби́льно Божественную благодать; / радуйся, светильниче многосветлый, горяй и светяй.

Рáдуйся, вéрный дéлателю в вертогráде Христóвом; / радуйся, пастырю, на пажити вéры и благочéстия паству свою воспитавый.

Рáдуйся, сия́ньми добродéтелей твоих мир просвещавый; / радуйся, Престóлу Христóву Божественную Жéрту приносивый.

Рáдуйся, иерárше, разумéнием Правосла́вия украшеннýй; / радуйся, апостольского учéния исполненный, вéрных струями спасительного учéния напая́й.

Рáдуйся, я́ко и мудрых озарил еси; / радуйся, я́ко и простых сердца обновил еси.

Рáдуйся, слáво правосла́вных и Цéркве непоколебимое утверждение; / радуйся, украшение отцéв, слáво и похвало иерéев благоговейных.

Рáдуйся, Спиридоне, предивный чудотворче.

Кондак 3

Силою Вышняго, осенившею тя, святителю Спиридоне, богомудр ты показался еси и, скавши дланию глину, троичность Лиц всем очевидно уяснил еси; темже лжемудрии философи, собравшиися на Соборе, ужасошася, верний же непостижимаго прославиша Бога, умудрившаго тя во спасение, вопиюще Ему: **Аллилуия.**

Икос 3

Имеюще тя в помышлениих своих вси отцы Собора прости, неискусна в книжнем учении, молища тя, отче Спиридоне, не препиратися словесы с витиею, мнящимся мудру быти. Ты же, святителю, ревностию по Бозе распаляемый, веря, яко проповедь Христова не в препретельных мудрости человеческия словесех, но в явлении духа и силы, премудре того обличив, вразумил и на путь истинный наставил еси. Вси, видевше чудо сие, взываху:

Радуйся, свете православныя мудрости; радуйся, яко глаголемых быти мудрых совопросников посрамил еси.

Радуйся, источниче, благодатию обильный; радуйся, непоколебимый столпе, твердо содержащий сущих в вере.

Радуйся, омрачаяй все пагубную ересь; радуйся, через негоже попрано бысть безумие.

Радуйся, яко перстъ земная проповѣда твоима руками Святую Троицу; радуйся, яко из глины извѣл еси огнь и воду во утверждение догмата Святая Троицы.

Радуйся, яко просветил еси людичлавити Слово, воистину Единосущное Пребезначальному Отцу; радуйся, яко змиеву главу пагубныя ариевы ереси поразил еси.

Радуйся, яко тобою пожерта бысть злоба; радуйся, невернаго мудреца совопросника к истинней вере обративый.

Радуйся, Спиридоне, предивный чудотворче.

Кондак 4

Жизнь проводя в убожестве и нищете, нищим и бедным был еси питатель и помощник и, любви ради к нищим, змия в злато преложил еси и дал еси оное требующему твоей помощи. Дивящиеся о чудеси сем, благодарственно вопиём к Богу: **Аллилуя.**

Икос 4

Слышано бысть всем и всюду, яко святитель Спиридон воистину есть жилище Святая Троицы: вселился бо в нем Бог Отец, Бог Слово и Бог Дух Святый. Сего ради ты словесы и деяными проповедал еси всем христианом воплощённого истинного Бога, вопиющим:

Радуйся, словес Божиих тайнниче; / радуйся, домостройство Божие о спасении мира уяснивый.

Радуйся, яко научил еси не испытывать еже есть превыше разума и мудрости человеческij; / радуйся, непостижимую действующую в тебе силу Божию явивый.

Радуйся, яко устами твоими провеща Сам Бог; / радуйся, яко вси послушаху тебе в сладость.

Радуйся, мглу идолослужения разгнавый; / радуйся, яко многих к истинней вере привел еси.

Радуйся, яко главы невидимых змiev поразил еси; / радуйся, яко тобою прославляется вера христианская.

Радуйся, яко светло озаряеши всех ублажающих тя; / радуйся, поборниче христианскийя веры и Православия.

Радуйся, Спиридоне, / предивный чудотворче.

Кондак 5

Божественного Духа преисполнен был еси, святителю Спиридоне, ради добродетельного жития твоего; зане кроток, милостив, чист сердцем, терпелив, непамятоизлобив, страннолюбец был еси: сего ради Творец и в чудесех преславна показа тя. Мы же, прославляя Бога, прославльшаго тя, вопиём Ему: Аллилуя.

Икос 5

Равноангельна Спиридона зrim, великаго чудотворца. Некогда страна от бездождия и засухи вельми пострада: бысть глад и язва, и многое множество людей умроща, молитвами же святителя сниде с небесе на землю дождь; людие же, избавльшеся от бедствия, благодарственно взываху:

Радуйся, великому пророку Илии уподобивыйся;
радуйся, яко дождь, отъемлющий глад и недуги,
благовременне низвел еси.

Радуйся, паки молитвами своими небо заключивий;
радуйся, яко немилосердаго купца лишением имения
наказал еси.

Радуйся, яко требующим пищу обильно даровал еси;
радуйся, яко любоблагоутробие Бога к людем
подвизаеши.

Радуйся, вземляй немоющи немощных; радуйся,
богоблагодатный человеком помощниче.

Радуйся, болящим здравие подаваяй; радуйся,
милосердием своим исцеляй.

Радуйся, егоже трепещут демоны; радуйся,
безчисленных чудес источниче.

Радуйся, Спиридоне, предивный чудотворче.

Кондак 6

Завеса ветхозаветной скинии закрываше во Святая Святых ковчег,
манны и скрижали. И храм твой, святителю Спиридоне, имеет раку твою,
яко ковчег, святая мощи твоя, яко манну, сердце твоё, яко скрижали
Божественные благодати, на нихже злим начертанную песнь:
Аллилуия.

Икос 6

Народ Кипра некогда за умножение беззаконий наказан Господь
безплодием земли, егда же прииде к святому Спиридону знаемый
земледелец, прося помощи, даде ему святый злато; минувшу же
бедствию, земледелец оный возврати паки злато. И — о чудесе! — злато
змий бысть. Прославляюще Бога, дивнаго во святых Своих, вопием:

Радуйся, яко Моисею, чудесно преложившему жезл
в змия, подражал еси; / радуйся, человеколюбивый
пастырю, избавляяй от бед словесныя овцы стада своего.

Радуйся, обильно всех всеми благами обогащаяй;
радуйся, яко Илия, бедных питавый.

Радуйся, немилосердых к милосердию обращаяй;
радуйся, достоподражаемый пример любви для
человеков, в мире живущих.

Радуйся, верных и неверных в бедах утешение;
радуйся, древо сенполиственное, град и страну
осеняющее.

Радуйся, славо и похвало керкирян; / радуйся, над
влагою и сушью, зноем и хладом благодатию Божию
владычествуюй.

Радуйся, уставы земли молитвою пременяяй;
радуйся, будущая, яко настоящая, провидевый.

Радуйся, Спиридоне, предивный чудотворче.

Кондак 7

Ходатай пред Господем за всех явился еси, святителю Спиридоне: сего ради и мы прибегаем под кров твой, ища спасения, все бо помощника тебе имамы во всех нуждах, во время глада, смертоносныя язвы и во вся годины бед и искушений. Сего ради благодарственно вопием Богу: **Аллилуия.**

Икос 7

Новое чудо видим и боголепное: егда ты, отче, шествовал избавити неповинно осужденного на смерть, бурный поток прегради путь тебе; ты же именем Всемогущаго Бога повелел ему стати и прошел еси со спутники чрез реку, яко по суху. Слава о сем чудеси распространяся всюду, и все прославиша Бога, вопиюще к тебе:

Радуйся, яко иногда Иисус Навин через Иордан реку по суху прешедый; радуйся, речная устремления гласом своим укротивый.

Радуйся, яко трудный путь предпrijал еси, движимый милосердием; радуйся, яко клевету разрушил еси и неповинного от уз темницы и напрасныя смерти избавил еси.

Радуйся, жизни по Бозе благий поспешниче; радуйся, неповинно угнетенных защитителю.

Радуйся, уставов естества водного пременителю; радуйся, яко судию вразумил еси и от убийства спасл еси.

Радуйся, истинное исправление душ; радуйся, дивная сило, потоки удерживающая.

Радуйся, услаждающий сердца человеков, к тебе притекающих; радуйся, человеколюбию Авраама подражателю.

Радуйся, Спиридоне, предивный чудотворче.

Кондак 8

Странник и пришлέц был еси на земли, якоже и прочии человéцы. Оба́че из чре́ва матеря Всеведущий вели́каго угодника и чудотворца показа́ тя, святителю Спиридоне: бésы бо изгоняеши, вся́кую болéзнь и я́зву исцеляеши, помышле́ния людéй зриши, тёмже и дивен во святых показался еси. Мы же, возсылающе молитву ко Благодателю всех Богу, вопи́ем Ему: **Аллилуиа.**

Икос 8

Весь мир ужасом мнóгим содрогну́ся, егда услы́ша, яко смерть, по гласу твоему, возвращает из гробов мертвeцы своя, и возопи:

Рáдуйся, умérшую дщерь свою, да явит врученное ей сокровище, к жизни возвавый; рáдуйся, скóрбную вдовицу, на сохранение злато вдавшую, утешивый.

Рáдуйся, умérшее отроча из мéртвых воскресивый; рáдуйся, яко мать его, внезáпно от радости умérшую, ожививый.

Рáдуйся, яко уподобился еси Илий, молитвами сы́ну сарéптская жены жизнь возвратившему; рáдуйся, яко и Елисею, возбудившему от смерти отроча, подражал еси.

Рáдуйся, пастырю, преискренне любящий человéки; рáдуйся, жене блуднице, слезами нозе твой омыvшей, грехи именем Бога отпустивый.

Рáдуйся, святую рéвность верховнаго апостола стяжавый; рáдуйся, яко нераскаянная грéшница, по глаголу твоему, в тяжких болéзнях умре.

Рáдуйся, земли плодоносие молитвами твоими испросивый; рáдуйся, непреложное воскресения человéков уверение.

Рáдуйся, Спиридоне, предивный чудотворче.

Кондак 9

Духа Божественного осияньми озарён был еси, святителю Спиридоне, имел бо еси духа премудрости, яко мудрыми словесы безумных обуил еси и посреде отцев веру утвердил еси; духа разума, яко умы омрачённыя озарил еси; духа страха Божия, яко выну деланий богоугодными душу очистил еси. Тёмже, представ Престолу Вышняго, с сонмом Ангелов воспеваеши Ему: Аллилуйя.

Икос 9

Жезл пастыря словесных овёц от Пастыреначальника Господа Иисуса приёмый, святый Спиридон не премени жития своего: нестяжателен, кроток, любви ради вся терпяй, не постыдёся пещися и о стаде безсловесных овёц. Вся сия возбуждают нас славити Бога и взвывать тебе:

Радуйся, славу мира сего яко суетную презревший;
радуйся, мзду многу на Небесех стяжавый.

Радуйся, красная мира сего в уме́ты вменивый;
радуйся, сосуде Небесных благ.

Радуйся, святейшая пажите киприотов; радуйся, яко тебе ради Бог хищников овёц твоих невидимыми узами связа.

Радуйся, татем отеческое вразумление преподавый;
радуйся, по милосердию твоему за проведённую без сна нощь овна им даровавый.

Радуйся, непослушанием козлища, яко бы разум имущаго, купца, утайвшаго цену его, обличивый;
радуйся, яко злато утёрянное нашёдый.

Радуйся, утайвшаго сребренники твой к покаянию приведый; / радуйся, яко страсти корыстолюбия увещанием своим исцелил еси его.

Радуйся, Спиридоне, предивный чудотворче.

Кондак 10

Спаса́й души́ па́сты, Бóгом тебе́ ввéренныя, ты, святителю Спиридо́не, произволéнием Бóжиим, зван был еси явíти слáву твою́, паче же слáву И́стиннаго Бóга, и в ины́я страны́, да всюду слáвят Имя Бóжие, вопиюще: Аллилúиа.

Икос 10

Ско́рый помо́щик и засту́пник во всяких нуждах и скóрбех, святы́й Спиридон, по повелéнию царéву, я́коже и прóчи па́стыри, прииде во град Антиохию, идéже бе одержимый болéзниу царь Константий; святитель главы его́ коснуся и сотвори́ здрава. Сему́ чудеси́ дивящеся, вопиё́м ти:

Рáдуйся, егóже в сónном видéнии Áнгел, я́ко целите́ля, яви царю; / радуйся, Божéственныя ради любé трудный путь в старости восприя́вый.

Рáдуйся, царéву рабу, удáрившему тя в ланиту, по заповеди Спасителя, другую подставивый; / радуйся, столпе смире́ния.

Рáдуйся, молитвами своими слéзно просящему царю здравие даровавый; / радуйся, я́ко уничижéнием своим рабá вразумил еси и немилостивый нрав его пременил еси.

Рáдуйся, я́ко благочéстию и милосéрдию царя научил еси; / радуйся, я́ко, ненавидя земная сокро́вища, злато царя отвергл еси.

Рáдуйся, я́ко ученика́ своего Трифиллиа от пристрастия к земным благам отвратил еси и сосúдом благодати Бóжия соделал еси; / радуйся, я́ко пришёдшу тебе́ в Александрию, идоли падоша.

Рáдуйся, ему́же и бéси повинуются; / радуйся, я́ко от идоло́служéния мнóгих отвратил еси.

Рáдуйся, Спиридоне, / преди́вный чудотворче.

Кондак 11

Пение ангельское бысть, егда во храме приносил еси, святителю Спиридоне, вечерния молитвы Твоя, и не беша сослужаши тебе. Житие же града, дивное пение слышавше, внидоша в храм и, никого же видевше, с Горними силами воспеваху: **Аллилуйя.**

Икос 11

Светозарное солнце мирови, собеседник Ангелов был еси на земли, святителю Спиридоне; предав же дух твой в руце Божии, преселился еси в Горняя селения, моляся за мир пред Престолом Владыки. Мы же, живущии на земли, вопием ти:

Радуйся, яко тебе, еще живу сущу, сослужаху Ангели; /
радуйся, псалмопение Архангелов слышавый. /

Радуйся, видимый образе нашего преображения; /
радуйся; яко недоставшу елею в храме Бог тебе ради
с избытком лампады наполни тем. /

Радуйся, лампадо Божественного сияния; /
сосуде благодати Божией, обильно, подобне елею,
наполняющей душу твою. /

Радуйся, неизсякаемый источник, присно
источающий всем токи благодати; /
радуйся, о немже изумляются Ангели. /

Радуйся, преслушание диакона в храме наказавый; /
радуйся, тщеславившагося своим гласом, и гласа и
языка лишивый. /

Радуйся, яко, во время зноя, внезапу роса,
снизшедшая Свыше, священную твою главу прохлади;
радуйся, в знамении сем близость представления своего
прородивший. /

Радуйся, Спиридоне, предивный чудотворче. /

Кондак 12

Покров и прибёжище бывый всем к тебе притекающим верным еще в житии твоём, ты, святителю, не оставил еси нас сирых и по твоему успении; Бог, побеждающий естества чин, сохрани святые мόщи твоя нетленными во укрепление православныя веры и благочестия, в знамение безсмертия, Егоже прославляюще, вопиём: Аллилуя.

Икос 12

Воспеваём тя, святителю Божий, яко удивил еси мир чудесами, истекающими от святых мощей твоих. Вси бо с верою приходящии и лобызающии их получают вся благопотребная просимая. И мы, давшаго тебе крепость, венчавшаго тя венцем нетления и действующаго тобою Бога прославляюще, вопиём ти:

Радуйся, во время глада корабельником явившийся и пищу доставити повелевый; радуйся, слепым, с верою притекшим к святым мощем твоим, зрение даровавый.

Радуйся, от неисцельных болезни отрока исцеливый; радуйся, беса из жены изгнавый и здраву сотворивый.

Радуйся, возбранный воеводо Керкиры; радуйся, яко полчища злочестивых агарян изгнал еси и корабли их в пучине потопил еси.

Радуйся, егоже видеша окружённого сонном Ангелов, в деснице меч державша и в трепет врагов приведша; радуйся, создати себе храм, во ёже соверши в нем литургию на пресном хлебе, воеводе возбранивый.

Радуйся, воеводу латинского лютою смертию поразивый; радуйся, молниею изображение его в доме в Венеции сожегший.

Радуйся, отступства и лжемудрования Запада посрамивый; радуйся, единую православную веру быти истинную и спасительную для человёков утвердивый.

Радуйся, Спиридоне, предивный чудотворче.

Кондак 13

О пречудный святителю Христову, отче Спиридоне! Нынешнее наше моление приём, избави нас от всех бед и напастей, укрепи на враги страшну нашу, даруй нам оставление прегрешений и изми от вечных смерти всех вопиющих о тебе к Богу: **Аллилуя.**

Этот кондак читается трижды, затем икос 1-й и кондак 1-й.

Икос 1

От юности украшённый всеми добродетельми, житием своим Ангелом подражавый, ты, святителю Спиридоне, воистину показался еси друг Христов; мы же, зряще тя, небесного человека и земного Ангела, со благоговением умильно вопиём ти:

Радуйся, уме, созерцаяй тайны Пресвятая Троицы;
радуйся, обогатившийся Духа пресветлым осиянием.

Радуйся, светильниче многосветлый; радуйся, ум твой безстрастием просветивый.

Радуйся, измлада истинную простоту и безмолвие возлюбивый; радуйся, украшение целомудрия.

Радуйся, любви неистощимая струя; радуйся, яко страннолюбию Авраама подражал еси.

Радуйся, яко всем любвеобильно входы дома своего отверзал еси; радуйся, нищих представителю.

Радуйся, пред нимже благоговеют людие; радуйся, яко ты еси обиталище Пресвятаго Духа.

Радуйся, Спиридоне, предивный чудотворче.

Кондак 1

Препрославленный от Господа святителю и чудотворче Спиридоне! / Ныне всечестную память твою празднующе, / яко много могущему споспешествовать нам о прославльшем тя Христе, / умильно вопием ти: избави нас от всяких бед и зол, / да с благодарением зовём ти: // Радуйся, Спиридоне, предивный чудотворче.

Диакон: Вонмем, премудрость, вонмем. Прокимен, глас 4: Уста́ моя́ возглаго́лют прему́дрость, и поуче́ние се́рдца моего́ разум.

Уста́ моя́ возглаго́лют прему́дрость, и поуче́ние се́рдца моего́ разум.

Лик: Уста́ моя́ возглаго́лют прему́дрость, и поуче́ние се́рдца моего́ разум.

Стих: Услы́шите сия́ вси язы́цы, внуши́те вси живу́щии по вселенней.

Лик: Уста́ моя́ возглаго́лют прему́дрость, и поуче́ние се́рдца моего́ разум.

Стих: Уста́ моя́ возглаго́лют прему́дрость,

Лик: и поуче́ние се́рдца моего́ разум.

Диакон: Господу, помолимся.

Лик: Господи, помилуй.

Иерей: Яко свят еси, Боже наш, и во святых почиваеши, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

Диакон и лик: Всякое дыхание да хвалит Господа:

Вся-ко - е ды-ха-ни-е | да хва-лит Гос - - - по - да.

Диакон: И о сподобитися нам слышанию Святаго Евангелия,
Господа Бога молим.

Лик: Господи, помилуй (трижды)

Госпо-ди по-ми-луй, Госпо-ди по-ми-луй, Госпо-ди по-ми - луй.

Диакон: Премудрость, прости, услышим Святаго Евангелия.

Иерей: Мир всем.

Лик: И духови твоему.

Иерей: От Иоанна Святаго Евангелия чтение.

Лик: Слава Тебе, Господи, слава Тебе.

Диакон: Вонмем.

И чтет иерей прилучившееся евангелие.

Лик: Слава Тебе, Господи, слава Тебе.

Запевы (трижды):

Иерей: Святителю отче наш Спиридоне, моли Бога о нас.

**Лик: Святителю отче наш Спиридоне, моли
Бога о нас.**

Иерей: Слава:

Лик: И ныне:

Глас 6:

Не имамы иных помощи, / не имамы иных
надежды, / разве Тебе, Владычице. / Ты нам
помози, / на Тебе надеемся, / и Тобою хвалимся. //
Твой бо есмы раби, да не постыдимся.

По тропарех, ектениа:

Помилуй нас, Боже, по велицей милости Твоей, молим Ти ся,
услыши и помилуй.

Лик: Господи, помилуй (трижды)

Московская

Гос - по - ди по - милуй, Гос - поди помилуй, Господи по - ми - луй.

Еще молимся о Великом Господине и отце нашем Святейшем Патриархе Кирилле и о всей во Христе братии нашей.

Еще молимся о богохранимей стране нашей, властех и воинстве ея, да тихое и безмолвное житие поживем во всяком благочестии и чистоте.

Еще молимся о милости, жизни, мире, здравии, спасении, посещении, прощении и оставлении грехов рабов Божиих (имярек).

Болгарская

Господи по - милуй, Господи по - ми - луй, Гос - . поди по - ми - луй.

Еще молимся за всю братию, и за вся христианы.

Возглас: Услыши ны, Боже Спасителю наш, упование всех концов земли и сущих в море далече: и милостив, милостив буди, Владыко, о гресех наших и помилуй ны. Милостив бо и человеколюбец, Бог еси, и Тебе славу воссылаем, Отцу и Сыну, и Святому Духу, ныне и присно и во веки веков.

Лик: Аминь.

Иерей: Ко святителю Спиридону, епископу Тримифунтскому и Чудотворцу, со умилением сердец наших помолимся.

Лик: Святителю отче наш Спиридоне, моли Бога о нас.

Молитва:

О великий и пречудный святителю Христов и чудотворче Спиридоне, Керкирская похвало, всея вселенныя светильниче пресветлый, тёплый к Богу молитвенниче и всем к тебе прибегающим и с верою молящимся скоропредстательный заступниче! Ты веру православную на Никейском Соборе посреде отцев преславно изъяснил еси, единство Святая Троицы чудесною силою показал еси и еретиков до конца посрамил еси. Услыши нас, грешных, святителю Христов, молящихся тебе, и сильным твоим предстательством у Господа избави нас от всякаго злого обстояния: от глада, потопа, огня и смертоносныя язвы. Ты бо во временней жизни своей от всех сих бедствий избавлял еси людей твоих: от нашествия агарян и от глада страну твою сохранил еси, царя от неисцельного недуга избавил и многие грешники к покаянию привёл еси, мертвых преславно воскрешал еси, за святость же жития твоего Ангелы, невидимо в церкви поющия и сослужащия тебе, имел еси. Сице убо прослави тебе, верного Своего раба, Владыку Христос, яко вся тайная человеческая деяния дарова тебе разумети и обличати неправедно живущия. Многим, в скучности и недостаточестве живущим, ты усердно помогал еси, люди убогия изобильно во время глада напитал еси и ина многа знамения силою в тебе живущаго Духа Божия сотворил еси. Сице и нас не остави, святителю Христов, поминай нас, чад своих, у Престола Вседержителя и умоли Господа, да подаст многих наших грехов прощение, безбедное и мирное житие да дарует нам, кончины же живота непостыдныя и мирныя, и блаженства вечного в будущем венце сподобит нас, да выну возсылаем славу и благодарение Отцу и Сыну и Духу Святому, ныне и присно и во веки веков.